



Pranuar / Dorezuar Punimja/Prodato Received/Delivery	13	12	2022	2	viti god year
Organ /Njesia Organ /Jednitca Org./Unit	Nr Prot B/ Prot Prot No	Shtojca Prilog Appendix	Sasia Kolicina Quantity		
SKPM/SHCK	8023/2022		114		



Republika e Kosovës Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.930/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Arben Mehmeti-kryetar, Malsore Gashi-Bajraktari dhe Ardita Haxhnikaj-Demi-anëtarë si dhe Ardita Perçuku-Shyti-Zyrtare e Lartë për Bashkëpunim Profesional në cilësinë e procesmbajtëses, kanë shqyrtuar ankesën me numër A.nr.930/2022 të datës 19.10.2022 të parashtruar nga ankuesi të cilin me autorizim e përfaqëson me adresë

Komunën e Prishtinës, kundër organit të punësimit/Instituti i Kosovës për Administratë Publike, në çështjen juridike "kërkesë nga marrëdhënia e punës", duke vepruar në pajtim me nenin 6 paragrafin 1 nën paragrafin 1.1, nenin 16 paragrafin 3 dhe nenin 18 paragrafin 1 nën paragrafin 1.9 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 13.12.2022, mori këtë:

V E N D I M

Pezullohet procedura lidhur me ankesën A.nr.930/2022 të datës 19.10.2022 e parashtruar nga ankuesi

A r s y e t i m

Ankuesi është i punësuar në Institutin e Kosovës për Administratë Publike, sipas Akt emërimit me numër Nr.1965 të datës 18.11.2013 në pozitën "Drejtor i Departamentit të Administratës".

Fillimisht me datën 21.07.2017, Drejtoresha e Përgjithshme ka nxjerrë Vendimin Nr.Prot.303 sipas së cilit ankuesit i ka aprovuar kërkesën për punë sekondare në këtë institucion, ndërsa me datën 27.08.2018, po ashtu nga kjo e fundit është nxjerrë Vendimi Nr.Prot.020 sipas të cilit ankuesit i është aprovuar kërkesa për punë sekondare në këtë institucion prej datës 01.09.2018 deri më 01.09.2019. Po ashtu me datën 18.12.2020, Drejtoresha e Përgjithshme e Institutit të Kosovës për Administratë Publike, ka nxjerrë Vendimin Nr.469, sipas së cilit ankuesit i 'u është aprovuar kërkesa për punë sekondare (20 orë në javë) në këtë institucion

prej datës 18.12.2020 deri në një vendim tjetër në lidhje me këtë vendim. Ndërsa me datën 14.10.2022, Zëvendësuesi i Drejtorit të Përgjithshëm të Institutit të Kosovës për Administratë Publike, ka nxjerrë Vendimin Nr.444, sipas së cilit e ka shfuqizuar vendimin e datës 18.12.2020 me numër protokollit 469 për lejimin e angazhimit të ankuesit për punë sekondare në këtë institucion.

Ankuesi i pakënaqur me Vendimin Nr.444 të datës 14.10.2022, nga Zëvendësuesi i Drejtorit të Përgjithshëm të Institutit të Kosovës për Administratë Publike, me datën 19.10.2022, përmes përfaqësuesit të autorizuar ka parashtruar ankesën me numër të protokollit 6298/2022, me pretendimet ankimore se vendimi i atakuar është në kundërshtim me dispozitat ligjore në fuqi, gjegjësisht Ligjin Nr.06/L-114 për Zyrtarët Publikë, në kundërshtim me dispozitat e Rregullores Nr.07/2022 për Orarin e Punës dhe Pushimet e Zyrtarëve Publikë, në kundërshtim me dispozitat e Ligjit Nr.05/L-031 për Procedurën e Përgjithshme Administrative, sepse me këtë vendim kemi aplikim të gabuar të dispozitave materiale dhe procedurale.

Me datën 30.11.2022, Kryetari i Këshillit të Pavarur Mbikëqyrës për Shërbimin Civil të Kosovës, ka nxjerrë Vendimin VK.nr.176/2022 sipas të cilit i është vazhduar afati ankesës së ankuesit edhe për dhjetë (10) ditë pune.

Kolegji për shqyrtimin dhe vendosjen e ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën e ankuesit me numër të protokollit 6298/2022, të datës 19.10.2022; Vendimin e numër Nr.Prot.444 të datës 14.10.2022 të Zëvendësuesit të Drejtorit të Përgjithshëm në IKAP; Akt emërimit të ankuesit me numër Nr.Prot.1965 të datës 18.11.2013 në IKAP; Vendimin me numër Nr.Prot.469 të datës 18.12.2020 nga Drejtoresha e Përgjithshme në IKAP; Librezën me numër 646-1/21/08 të ankuesit nga handikos të datës 22.02.2017; Vërtetimin me numër 646-1/21/09 të datës 26.01.2021 nga handikos për ankuesin; Ekspertizën-vlerësimin mjekësor me numër 646-1/21/010 të datës 26.01.2009 për ankuesin; Autorizimin e datës 18.10.2022 nga përfaqësuesi ligjor i ankuesit; Kërkesën për përgjigje në ankesë të datës 21.10.2022 nga Këshilli i Pavarur Mbikëqyrës për Shërbimin Civil të Kosovës; Përgjigjen në ankesë të datës 28.10.2022 nga Instituti i Kosovës për Administratë Publike lidhur me shkresat e bashkangjitura të lëndës; Formularin-PDP të datës 06.08.2012 lidhur me përshkrimin e detyrave të punës së ankuesit; Plotësimin e përgjigjes në ankesën e ankuesit të datës 01.11.2022 nga IKAP së bashku me e-mailat e bashkangjitur zyrtar të datave: 28.09.2022, 08.10.2022, 10.10.2022, 18.10.2022, 19.10.2022, 14.10.2022, 21.10.2022, 24.10.2022; Orarin lidhur me lëndët e mbajtura të viti 2022/2023 për vitin e dytë-semestri i tretë në fakultetin e shkencave sociale në kolegjin AAB; Vendimin me numër Nr.Prot.303 të datës 21.07.2017 nga Drejtoresha e përgjithshme e IKAP-it; Vendimin me numër Nr.Prot.020 të datës 27.08.2018 nga Drejtoresha e përgjithshme e IKAP-it si dhe Vendimin VK.nr.176/2022 të datës 30.11.2022 nga Këshilli i Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, me datën 23.11.2022, ka nxjerrë Vendimin me numër A.nr.827/2022 sipas së cilit, ka vendosur lidhur me ankesën e ankuesit të datës 26.09.2022, e që si rrjedhojë ka anuluar Vendimin me numër Nr.1367/2022

të datës 29.08.2022 të Komisionit Disiplinor të Ministrisë së Punëve të Brendshme dhe e ka kthyer lëndën në rishqyrtim tek ky i fundit, me ç' rast ankuesi kishte atakuar Vendimin Nr.1367/2022 të datës 29.08.2022 të Komisionit Disiplinor të Ministrisë së Punëve të Brendshme, sipas së cilit është shpallur përgjegjës për shkeljet disiplinore sipas nenit 46 paragrafit 3 nën paragrafit 3.1, 3.3, 3.7, 3.10 dhe 3.10 të Ligjit Nr.06/L-114 për Zyrtarët Publikë dhe i është shqiptuar masa disiplinore "Ndalim i ngritjes në detyrë, duke përfshirë këtu rritjen në shkallën e pagë për një periudhë 4 vjeçare", çështje kjo që ndërlidhet me ankesën e ankuesit të datës 19.10.2022 në Këshill.

Kolegji për Shqyrtimin dhe Vendosjen e Ankesave, ndërlidhur me këtë fakt, ka konstatuar se meqenëse lënda e ankuesit me numër A.nr.930/2022 e datës 19.10.2022 e parashtruar në Këshill, ka të bëjë me shfuqizimin e Vendimit Nr.Prot.444 të datës 14.10.2022, i lëshuar nga Zëvendësuesi i Drejtorit të Përgjithshëm në Institutin e Kosovës për Administratë Publike, sipas të cilit është shfuqizuar Vendimi me numër Nr.Prot.469 i datës 18.12.2020 lidhur me ndërprerjen e angazhimit për punë sekondare në këtë institucion, e që ndërlidhet me ankesën e ankuesit me numër A.nr.827/2022 të datës 26.09.2022 e parashtruar në Këshill, e cila është parakusht për zgjidhjen e çështjes kryesore nga ana e Komisionit Disiplinor të Ministrisë së Punëve të Brendshme, dhe në mbështetje të nenit 85 paragrafit 1 të Ligjit Nr.05/L-031 për Procedurën e Përgjithshme Administrative i cili përcakton se: "Kur organi publik që zhvillon procedurën has në një çështje, zgjidhja e së cilës është parakusht për zgjidhjen e çështjes kryesore dhe e cila përbën një çështje juridike të pavarur (në vijim: "çështje paraprake"), për zgjidhjen e së cilës është kompetente një gjykatë apo organ tjetër, organi publik që zhvillon procedurën do të pezullojë çështjen kryesore, deri sa çështja paraprake të jetë vendosur dhe do të njoftojë palën për vendimin e pezullimit", si dhe bazuar në nenin 18 paragrafi 1 nën paragrafi 1.9 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi për pezullim të procedurës në lidhje me ankesën A.nr.930/2022 të datës 19.10.2022.

Procedura lidhur me ankesën me numër A.nr.930/2022 e datës 19.10.2022 të Këshillit të Pavarur Mbikëqyrës për Shërbimin Civil të Kosovës, do të mbetet e pezulluar deri në vendosjen përfundimtare të kësaj çështje nga Komisioni Disiplinor i Ministrisë së Punëve të Brendshme.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.930/2022, datë 13.12.2022.

Ardita Perçuku-Shyti



Zyrtare e lartë për bashkëpunim profesional



Arben MEHMETI

Kryetar i Kolegjit

Vendimi i dërgohet:

- Përfqësuesit të autorizuar të ankuesit,
- Drejtorit të Përgjithshëm të Institutit të Kosovës për Administratë Publike;
- Udhëheqësit të Njesisë për Burime Njerëzore në Institutin e Kosovës për Administratë Publike; dhe
- Arkivit të KPMSHCK-së.